

明醫雜著卷之二

吳郡後薛已註

泄瀉

泄本屬濕然多因飲食不節致傷脾胃而作須  
看時令分寒熱新久而施治治法補脾消食利  
小便亦有升提下陷之氣用風藥以勝濕亦有  
久泄腸胃虛滑不禁者宜收澀之

主方

白朮 二錢

茯苓

白芍藥 炒各一錢五分

已上三味乃  
泄瀉必用者

陳皮 一錢

甘草 炒各五分

若傷食瀉黃或食積加神麩麥芽山查各一錢

連炒七若腹中窄狹再加厚朴枳實以消停滯

愚按前症若飲食已消而泄瀉未止此脾胃

之氣傷也宜用五味異功散若泄瀉而腹中

重墜此脾胃之氣下陷也宜用補中益氣湯

若服尅滯之劑而腹中窄狹此脾氣虛痞也

宜用六君子湯若脇脹少食善怒瀉青此脾

虛肝所乘也宜六君子加柴胡升麻木香若

少食體倦善噫泄黃此脾虛色陷也宜用六

君子加升麻柴胡大凡諸症若脾脉弦長者

肝木乘脾土也當補脾平肝若脾脉沉弦者

寒水侮脾土也當溫中補腎夫黃連枳實雖

消停滯開痞悶若人脾胃充實暴患實痞宜

暫用之若人屢患屢服或脾胃虛痞者而用

之則脾胃反傷而諸症蜂起矣故東垣先生

云脾胃實者用黃連枳實瀉之虛者用白朮

陳皮補之瀉分病之虛實人之南北而治之

後做此

若小便赤澀短少加猪苓澤瀉各一錢以分利之

夏月如茵陳七分山梔仁炒四分

愚按前症若津液偏滲於大腸大便瀉而小便少者宜用此藥分利若陰陽已分而小便短少者此脾肺氣虛而不能生水也宜用補中益氣湯加麥門五味陰火上炎而小便赤少者此肺氣受傷而不能生水也用六味地黃丸加麥門五味腎經陰虛陽無所生而小便短少者用滋腎九腎氣九腎經陽虛陰無所化而小便短少者用益氣湯六味丸若誤用滲泄分利復傷陽氣陰無所生而小便不利或目睛凸出腹脹如鼓或腿膝腫硬或皮

膚斷裂者先用滋腎丸益氣湯每見元氣虛而復用澤瀉豬苓之類因損真陰以致前症益甚者急投金匱加減腎氣丸多有復生者若反服牽牛大黃峻劑而通之是速其危也若口渴引飲加乾姜一錢人參麥門冬各一升

麻分四烏梅肉五筒

愚按前症若胃氣傷而內亡津液者用七味白朮散胃氣弱而津液少者用補中益氣湯氣血俱虛而津液少者用十全大補湯腎虛津液短少者用六味地黃丸腎水不足而虛

火上炎者用加減八味丸若腎水不足之人  
患泄瀉或服分利之劑過多而患口渴者若  
不用前藥以固其本源則肺腎復傷多變小  
便不利肚腹水腫等危症矣○憲副屠九峯  
先瀉而口渴尺脉數而無力恪用解酒毒利  
小便之劑不應余曰此腎陰虧損虛火熾盛  
宜急壯水之主不然必發疽而不能收斂也  
不信別服降火化痰之劑果患疽而歿

若夏秋之間濕熱大行暴注水瀉加黃連蒼木  
澤瀉各一錢升麻各五分木通各五分發熱作渴加乾姜石

膏

錢各一

黃疸小便赤加茵陳

錢一

山梔木通

各五分

愚按東垣云若值秋燥行令濕熱少退體重  
節痛口舌乾燥飲食無味二便不調不欲飲  
食或食不化無灑浙惡寒悽慘面惡此肺之  
脾胃虛而陽氣不伸也用升陽益胃湯治之  
前症若濕熱內作脾胃不能通調而致者宜  
用此藥分利之濕熱已去脾胃虛弱而致者  
宜用六君子當歸調補之濕熱已去脾氣下  
陷而致者宜用補中益氣湯升舉之其黃疸  
若小便不利四肢沉重渴不欲飲此濕勝於

熱用大茵陳湯大便自利茵陳梔子黃連湯  
若往來寒熱身黃者宜用小柴胡加梔子若  
因勞傷形體飲食失節而身黃者用小半夏  
湯益黃疸爲內傷不足之症宜調補脾胃元  
氣爲主若妄用驅逐復傷元氣多致不起

若久瀉脾胃虛弱飲食難化加黃耆炙各一人參各

錢神麴麥芽各二錢木香煨乾薑五分

愚按前症或作嘔或飲食少思屬脾胃虛弱  
用四君子加半夏木香或兼作嘔或腹作痛  
屬脾胃虛寒用六君子加炮姜木香若麥芽

善損腎神麴善化胎消腎不宜輕用大抵此  
症多由泛用消食利水之劑損其真陰元氣  
不能自主持遂成久泄若非補中益氣湯四  
神丸滋其本源後必胸痞腹脹小便淋瀝多  
致不起

若久瀉腸胃虛滑不禁加肉苳蔻訶子皮赤石  
脂各一錢木香煨乾薑五分

愚按東垣先生云中焦氣弱脾胃受寒冷大  
便滑瀉腹中雷鳴或因悞下末傳寒中復遇  
時寒四肢厥逆心胃絞痛冷汗不止此腎之

脾胃虛也用沉香溫胃丸治之竊謂前症若脾胃虛寒下陷者用補中益氣湯加木香肉荳蔻補骨脂若脾氣虛寒不禁者用六君子湯加炮薑肉桂若命門火衰而脾土虛寒者用八味丸若脾腎氣血俱虛者用十全大補湯送四神丸若大便滑利小便閉澀或肢體漸腫喘嗽唾痰為脾腎氣血俱虛宜用十全大補湯送四神丸若大便滑利小便閉澀或肢體漸腫喘嗽唾痰為脾腎虧損宜用金匱加減腎氣丸

若飲酒便泄此酒積熱瀉也加黃連炒茵陳乾

姜

錢各一

木香

分五

愚按前症若酒濕未散脾氣未虛宜用此藥

分利濕熱若濕熱已去中氣被傷宜用六君子調補中氣若誤服剋伐分利之劑胸膈漸滿小便短少或腿足與腹漸腫者急用加減金匱腎氣丸調補脾胃多有生者夫酒性大熱乃無形之物無形元氣受傷當用葛花解醒湯分消其濕性往反服大熱酒癥丸重瀉有形陰血使陽毒大旺元氣消亡折人長命

金匱要畧云酒疸下之久而為黑疸每見善飲服酒癥丸者多患疸症不悟其因反服分利化痰以致變症而歿者多矣詳見奇效方○秀水卜封君善飲腹痛便泄服分利化痰等劑不應其脉滑數皮膚錯甲余謂此酒毒致腸癰而潰敗也辭不治不信仍服前劑果便膿而歿○光祿柴黼養善飲泄瀉腹脹吐痰作嘔口乾余謂脾胃氣虛先用六君子加神麩痰嘔已止再用補中益氣加茯苓半夏瀉脹亦愈○舊僚錢可久素善飲面赤痰盛大便

不實余以為腸胃濕痰壅滯用二陳苓連山梔枳實乾葛澤瀉升麻一劑吐痰甚多大便始實此後日以黃連三錢泡湯飲之而安

若寒月溘泄清冷腹痛傷生冷飲食加神麩麥芽各錢乾姜各錢縮砂益智木香各錢

愚按前症若脾胃腎虛寒宜用四神丸若脾胃虛脫用六君姜桂如不應急補命門火以生脾土○一儒者小腹急痛溘泄清冷大便欲去不去余謂此命門火衰而脾土虛寒也用八味丸月餘而愈向後飲食失宜前症仍作

小腹重墜此脾氣下陷也用補中益氣湯而  
痊

痢疾

痢是濕熱及食積治者別赤白青黃黑五色以  
屬五臟白者濕熱傷氣分赤者濕熱傷血分赤  
白相雜氣血俱傷黃者食積治法瀉腸胃之濕  
熱開鬱結之氣消化積滯通因通用其初只是  
下下後未愈隨症調之痢稍久者不可下胃虛  
故也痢多屬熱然亦有虛與寒者虛者宜補寒  
者宜溫年老及虛弱人不宜下

主方

黃芩炒

黃連炒各五分

白芍藥炒二錢

藥乃痢疾之必用者

木香

枳殼炒各五分

甘草炙三分

檳榔錢一

右姜水煎服

若腹痛加當歸一錢五分縮砂一錢再加木香芍藥各五分

分

愚按前症若因濕熱鬱結後重不利宜用此  
方若飲食停滯用二陳湯加山查送香連丸  
仲景先生云脉沉而有力者屬裏實也宜下

方明醫籍考卷一  
之沉而無力者屬裏虛也宜補之元氣虛滑者宜溫之澁之脉滑而數者有宿食也當下之脉浮大此爲虛而強下之故也脉浮革者因而腸鳴當溫之下痢腹堅者當下之下痢譫語有燥屎當下之下痢三部脉皆平按之心下堅急下之下痢脉大浮弦當自愈下痢腹痛爲實當下之治者審焉

若後重加滑石

妙五分

再加枳殼檳榔芍藥條芩

各五分

愚按痢而便膿血者乃氣行而血止也行血

則便膿自愈調氣則後重自除若大腸積滯壅實而後重法當踈導若大腸氣虛下陷而後重法當升補○司馬王荆山患痢後重服枳殼檳榔之類後重益甚食少腹痛余以爲脾胃傷而虛寒也用六君木香炮姜而愈○太常邊華泉嘔吐不食腹痛後重服大黃之藥腹痛益甚自汗發熱昏憤脉大余以爲胃氣復傷陽氣虛寒脫陷也以參朮各一兩炙草炮姜各三錢升麻一錢一劑而甦又用補中益氣加炮姜二劑而愈

若白痢加白朮白茯苓滑石炒陳皮各一錢初欲

下之再加大黃錢五兼食積加山查枳實各一錢

愚按前症若腹痛後重怕手按腹或脉洪實爲積滯閉結宜用此方疎通之若腹痛後重喜手按腹或脉微細爲陽氣虛寒宜用六君乾姜溫補之○少宗伯顧東江停食患痢腹痛下墜或用疎導之劑兩足腫脹食少體倦煩熱作渴脉洪數按之微細余以六君子加姜桂各一錢芩朮五味各一錢煎熟冷服即睡覺而諸症頓退再劑而安此內真寒而外

假熱治以熱劑而冷飲東垣先生治假寒熱之症投以假寒熱之劑○廷評曲汝爲食後

接內患腹痛去後似痢非痢次日便膿血煩

熱作渴神思昏倦用四神丸一服頓減又用

八味丸料加吳茱萸五味骨脂肉蔻二劑全愈

若紅痢加當歸川芎桃仁各一錢五分初欲下之再

加大黃錢五

愚按前症若病日久或誤服疎通之藥而不能愈者當調補脾胃大凡血症久而不能多因陽氣虛而不能生血或因陽氣虛而不能

攝血故丹溪先生治此症久而不愈用四君子湯以收其功○判官汪天錫患痢腹痛後重渴欲飲冷飲食不進用芍藥湯內大黃一兩四劑稍應仍用前藥但大黃減半數劑而愈○通府薛允頰下血服犀角地黄湯其血愈多發熱少食裏急後重予以爲清氣下陷用補中益氣湯加炮姜一劑而瘳

若紅白相雜加川芎當歸桃仁各一錢五分以理血

滑石陳皮蒼木各一錢五分以理氣有食積者加山查枳實以消導

愚按前症若氣滯食積濕熱所致宜用此方治之若脾虛飲食停滯宜用六君子湯送香連丸調補之經云脾主血肺主氣前症乃氣血俱受病也若因脾肺血傷所致宜用四物湯加白朮茯苓煎送香連丸若因脾肺氣傷所致宜用四君子湯加當歸川芎煎送香連丸若白痢久胃弱氣虛或下後未愈去檳榔枳殼減苓連芍藥各七分加白朮一錢五分黃芪陳皮茯苓各一錢五分縮砂乾姜各五分

愚按前症若數至圍而不能便或少有白膿

者乃土不能生金肺與大腸氣傷而下墜也  
當用升陽益胃湯舉其陽氣則陰自降而二  
便自愈矣飲食不入發熱作渴其勢危甚用  
十全大補湯如不應送二神丸

若紅痢久胃弱血虛或下後未愈減黃芩黃連  
各五分  
加當歸川芎熟地阿膠陳皮各一錢  
白木錢

愚按前症若脾經血熱下注而不愈者用四  
物湯加白朮茯苓若脾經氣虛不能統血而  
不愈者用四君子加川芎當歸若中氣下陷

不能攝血而不愈者用補中益氣湯

若赤黑相雜此濕勝也及小便赤澀短少加木  
通澤瀉茯苓各一錢  
山梔仁五分  
以分利之

愚按初患濕盛而小便赤澀者宜用前藥若  
病久而陽氣下陷或老弱者宜用升陽除濕  
防風湯若脾土虧損寒水來侮先用六君子  
湯加姜桂以溫而補之後用補中益氣湯加  
茯苓半夏以升而補之

若血痢加當歸川芎生地黃桃仁槐花各一錢  
久  
不愈減芩連各七分  
去檳榔枳殼再加阿膠珠側

栝葉白朮

各一錢五分

乾姜炒陳皮

各一錢

愚按前症亦有因脾氣虛弱者有因脾氣下陷者有因肝氣虛弱者有因肝血虛熱者○  
祠部李宜散患血痢胃腹膨脹大便欲去不去肢體殊倦余以爲脾氣虛弱不能攝血歸源用補中益氣湯加茯苓半夏治之漸愈後因怒前症復作左關脉弦浮按之微弱此肝氣虛不能藏血用六味丸治之而愈

若痢已久而後重不去此大腸墜下去檳榔枳殼用條芩加升麻一錢以升提之

愚按前症亦有因大腸氣滯者有因大腸氣陷者有因大腸血虛者有因脾腎虛寒者若大腸氣滯墜下宜用四君子送香連丸若大腸氣虛陷下宜用四君子加柴胡升麻送香連丸若大腸血虛後重宜用四物湯加參朮送香連丸東垣先生云裏急者腹中不寬快也亦有虛坐而大便不行者皆血虛也血虛則裏急後重

若嘔吐食不得下加軟石膏一錢五分陳皮一錢山梔

仁炒

五分

生薑

六分

緩呷之以瀉胃口之熱

愚按前症若脾胃素有實熱或過食厚味辛辣而暴患之宜用此方若胃氣虛膈氣逆而作嘔吐者用六君子加生姜若胃氣虛寒亦用前藥加炮姜木香

有一樣氣血虛而痢者用四物湯加人參白朮陳皮黃芩黃連

愚按前症若脾氣虛而血弱宜用四君子湯若胃氣虛而血弱宜用補中益氣湯若久病氣血俱虛宜用八珍湯大凡此症久而不愈或變症百出但守前法久之自愈

有一樣寒痢用黃連木香芍藥酒當歸乾姜炒縮砂厚朴肉桂

愚按東垣先生云前症若脉沉細而身不動作嘔吐不了飲食不下鼻準氣息者用姜附湯身重四肢不舉者用朮附湯暴下無聲身冷自汗小便自利大便不禁氣難布息脉微嘔吐者用漿水散○先太安人年八十仲夏患痢腹痛作嘔不食渴飲湯水按腹痛稍止脉鼓指而有力余謂真氣虛而邪氣實也用人參五錢白朮茯苓各三錢陳皮升麻附子

炙甘草各一錢服之睡覺索食脉症頓退再劑而安○橫金陳子復面帶赤色吐痰口乾或時作瀉或用二陳黃連枳實之類不應予脉之左關弦急右關弦大此乃腎水挾肝木之勢而剋勝脾土也不信後交夏果患痢而

亡

若得痢而誤服溫熱止瀉之藥則雖稍久亦宜用前法以下之下後方調之○若得痢便用前症法下之而未應又用前調理法治之久而不愈此屬虛寒而滑脫可於前補虛寒溫二條用

擇更加龍骨石脂鶯粟殼烏梅肉等收澁之藥愚按前症若脾氣虛寒下陷宜用補中益氣湯加粟殼姜桂如不應急用附子若氣血虛弱宜用十全大補湯加附子粟殼若命門火衰用八味丸以補土母若腹痛作渴飲湯手按腹痛稍止者俱溫補脾胃

瘧疾

瘧是風暑之邪有一日一發有二日一發有三日一發有間一日連二日發有日與夜各發有有汗有無汗有上半日發有下半日發有發於

夜者治法邪從外入宜發散之然以扶持胃氣  
爲本又須分別陽分陰分而用藥邪虛及新發  
者可散可截虛癘及久者宜補氣血若過服截  
藥致傷脾胃則必延綿不愈矣

主方

柴胡

白朮

各一錢半

蒼朮

洪浸一錢已上三味癘疾

必用之藥

乾葛

二錢

陳皮

七分

甘草

炙五分

愚按前症皆因先傷於暑次感於風容於榮  
衛之間腠理不密復遇風寒閉而不出舍於

腸胃之外與榮衛並行晝行於陽夜行於陰  
並則病作離則病止併於陽則熱併於陰則  
寒淺則日作深則間日在氣則早在血則晏  
按本經曰癘脈自弦弦數者多熱弦遲者多  
寒弦短者傷食弦滑者多痰弦而緊者宜下  
浮大者宜吐弦遲者宜溫此治癘之大法其  
病熱多寒少心煩少睡者屬心名曰溫癘用  
柴苓湯但寒少熱腰疼足冷者屬腎名曰寒  
癘用桂附二陳湯先寒而後大熱咳嗽者屬  
肺名曰痺癘用參蘇飲熱長寒短筋脈揪縮

者屬肝名曰風瘧用小柴胡加烏藥香附寒熱相停嘔吐痰沫者屬脾名曰食瘧用清脾飲瘧愈之後陰陽兩虛夢遺咳嗽不善保養遂成勞瘵若能清心養體節食避風如此調治無不愈矣

若一日一發及午前發者邪在陽分加枯苓茯苓

苓半夏

錢各一

熱甚頭痛再加川芎軟石膏

錢各一

口乾加石膏知母麥門冬

錢各一

愚按劉宗厚先生云從卯至午發者邪在大腸小腸也宜大柴胡湯下之從午至酉發者

邪亦在心與腎也宜大承湯下之此皆邪入于內也從酉至子發者邪在心與膽也或至寅發者此邪在氣在血也宜用桃仁承氣湯微下之更以小柴胡湯微其餘邪若身熱目痛熱多寒少其脉實長者先以大柴胡湯下之餘熱不盡再用白芷湯若甚寒微熱或但寒不熱者名曰牝瘧用柴胡桂枝湯以解表若間日或三日發或午後或夜發者邪入陰分加川芎當歸芍藥

酒炒

酒炒

酒炒

酒炒

酒炒

酒炒

酒炒

酒炒

酒炒

酒炒

酒炒

酒炒

酒炒

酒炒

酒炒

酒炒

酒炒

酒炒

酒炒

酒炒

酒炒

酒炒

酒炒

酒炒

酒炒

酒炒

酒炒

酒炒

酒炒

酒炒

紅花

升麻

錢各四

提起陽分可截之

愚按仲景先生云瘧無他症但隔日發而先寒後熱寒多熱少用桂枝石膏湯發於夜麻黃黃芩湯竊謂前症若中氣虛而間日發者用補中益氣湯若氣血俱虛而三日一發者用十全大補湯大抵邪氣在陽分者淺而易治邪氣在陰分者深而難治

若間一日連發二日或日夜各發者氣血俱病

加人參黃芪白茯苓各一錢以補氣川芎當歸芍

藥熟地黃各一錢以補血

愚按此條治法當以前後論參看用藥調治

若陽瘧多汗用黃芪人參白朮以斂之無汗柴胡蒼朮白朮黃芩乾葛以發之

愚按仲景云處暑以前瘧發而頭項痛脉浮惡風有汗者桂枝羌活湯若惡風無汗者麻黃羌活湯若久而汗多腠理開泄陽不能固必補斂之無汗則腠理緻密邪不能解必發散之若屬飲食所傷用六君子湯為主勞傷元氣用補中益氣湯為主

若陰瘧多汗用當歸白芍藥熟地黃連黃蘗黃芩以斂之無汗柴胡蒼朮川芎紅花升麻以發

之故曰有汗者要無汗扶正爲主無汗者要有汗散邪爲主

愚按前症若寒熱大作不論先後此太陽陽明合病寒熱作則必戰經曰熱勝而動也發熱則必汗泄又曰汗出不愈知內熱也陽盛陰虛之症當內實外虛不治恐久而傳陰經也宜用桂枝芍藥湯若病久須大補脾胃爲主益養正邪自除也

若病人胃氣弱飲食少或服截藥傷脾胃而少食者加人參一錢五分芍藥酒炒大麥芽各

愚按前症若用寒涼止截脾胃傷損必致連綿不已若非培養元氣決不能愈然芍藥麥芽善損脾腎恐不宜多用○洞庭馬志卿母瘡後形體骨立發熱惡寒自汗盜汗胸膈痞滿日飲米飲盞許服參朮藥益脹卧床半年矣余以爲陽氣虛寒用大劑補中益氣加附子一錢二劑諸症漸退飲食漸進又二劑全愈

若傷食痞悶或有食積者加神麴麥芽枳實炒

錢一分黃連炒五

愚按前症若脾胃無虧飲食過多而患暴怒胸膈痞悶者宜用此方以消導宿滯若飲食既消而胸膈痞悶者宜用六君子湯以調補脾胃若勞傷元氣兼停飲食用補中益氣加半夏茯苓以升補脾胃若感怒兼食用二陳參朮木香香附山梔以補脾平肝○冬官朱省庵停食感寒而患瘧自用清脾截瘧二藥食後腹脹時或作痛服二陳黃連枳實之類小腹重墜腿足浮腫加白朮山查吐食未化余曰食後脹痛脾虛不能剋化也小腹重墜

陽氣不能升舉也腿足浮腫胃氣不能運行也吐食不消脾胃虛寒也治以補中益氣湯加吳茱萸桂木香不數服而痊○一婦人飲食後患瘧嘔吐屬內停飲食外感風寒用藿香正氣散而愈後因怒吐痰甚多狂言熱熾胸膈脹痛手按少止脉洪大無倫按之微細余謂肝脾二經血少火旺用加味逍遙散加熟地川芎二劑頓退再用十全大補而安

若痰盛加半夏

薑製

南星枳實

錢各一

黃芩

炒

黃連

各六分

愚按前方非膏梁積熱實火為痰者不宜用  
若中氣虛而痰甚用補中益氣湯加茯苓半  
夏 如未應用一味姜汁尤好

若欲截之加檳榔黃芩青皮常山各一錢烏梅三

一箇

愚按前症若血氣俱虛用人參生薑各一兩  
煎服頓止不問新久並效若嘔酸口酸且節  
飲食其病潮作時雖大渴只與薑湯乘熱飲  
之此亦截瘧之良法每見飲生冷物者病  
或少愈多致脾虛胃損反為難治若病勢正

熾一二發間未宜遽截恐邪氣不去正氣反  
傷耳此法有益無害○一上舍每至夏秋非  
停食作瀉必瘧痢霍亂遇勞吐痰頭眩體倦  
發熱惡寒雜用四物二陳苓連之類患瘧服  
止截之藥前症益甚時或遍身如芒刺然余  
謂中氣虛熱用補中益氣湯加茯苓半夏內  
參芪各用三錢歸朮各二錢四十餘劑全愈  
若日久虛瘧寒熱不多或無寒而微熱者邪氣  
已無只用四君子合四物湯加柴胡黃芩陳皮  
以滋補氣血

愚按前症若因胃氣虛用四君加升麻當歸  
若脾血虛用四君加川芎當歸若因中氣下  
陷用補中益氣湯加茯苓半夏大凡久瘧多  
屬元氣虛寒益氣虛則寒血虛則熱胃虛則  
惡寒脾虛則發熱陰火下流則寒熱交作或  
吐涎不食戰慄泄瀉手足逆冷皆脾胃虛弱  
但補中益氣其諸症悉愈○一婦人瘧久不  
愈發熱口乾倦甚此脾胃虛熱用七味白朮  
散加麥門五味作大劑煎與恣飲再發稍可  
乃用補中益氣湯加茯苓半夏十餘劑而愈

○一婦人久瘧寒熱服清脾飲之類胸膈飽  
脹飲食減少用補中益氣湯加茯苓  
半夏炮姜各一錢而痊

咳嗽

咳謂有聲肺氣傷而不清嗽謂有痰脾濕動而  
生痰咳嗽者因傷肺氣而動脾濕也病本雖分  
六氣五臟之殊而其要皆主於肺蓋肺主氣而  
聲出也治法須分新久虛實新病風寒則散之  
火熱則清之濕熱則瀉之久病便屬虛屬鬱氣  
虛則補氣血虛則補血兼鬱則開鬱滋之潤之  
飲之則治虛之法也

主方

杏仁

去皮尖

白茯苓

錢各一

橘紅

分七

五味子

桔梗

甘草

灸各五分

春多上升之氣宜潤肺抑肝加川芎芍藥半夏

錢各一麥門冬黃芩炒知母各五分

春若傷風欬嗽鼻流清涕宜辛涼解散加防風

薄荷黃芩炒麥門冬錢各一

愚按前症若因風寒所傷欬嗽聲重頭痛用

金沸草散欬嗽聲重身熱頭痛用局方消風

散蓋肺主皮毛肺氣虛則腠理不密風邪易

入治法當解表兼實肺氣肺有火則腠理不

開風邪外乘治宜解表兼清肺火邪退即止

若數行解散則重亡津液邪蘊而為肺疽肺

痿矣故凡肺受邪不能輸化而小便短少皮

膚漸腫咳嗽日增者宜用六君子湯以補脾

肺六味丸以滋腎水○一儒者素勤苦惡風

寒鼻流清涕寒慄噎噴服祛風之藥肢體麻

木倦怠痰涎自出殊類中風余以為風劑耗

散元氣陰火乘其土位也遂以補中益氣湯

加麥門五味治之而安○一儒者每至春咳

嗽用參蘇飲之類乃愈後復發仍用前藥反  
喉瘖左尺洪數而無力余以爲腎經陰火刑  
剋肺金以六味丸料加麥門五味炒山梔及  
補中益氣湯而愈

夏多火熱炎上最重宜清金降火加桑白皮知  
母黃芩炒麥門冬石膏各一錢

愚按王太僕云壯水之主以制陽光前症若  
喘急而嗽面赤潮熱其脉洪大者用黃連解  
毒湯熱躁而咳用梔子仁湯欬唾有血用麥  
門冬湯俱兼以六味丸夏月尤當用此壯腎

水以保肺金○購周上舍每至夏患咳嗽服  
降火化痰之劑咳嗽益甚脾肺腎脉皆浮而  
洪按之微細余曰此脾土虛不能生肺金肺  
金不能生腎水而虛火上炎也朝用補中益  
氣湯夕用六味地黄丸而痊後至夏遂不再  
發○一男子夏月唾痰或嗽用清胃火藥不  
應余以爲火乘肺金用麥門冬湯而愈後因  
勞復嗽用補中益氣湯加桔梗山梔片麥  
門五味而愈但口乾体倦小便赤濇日用生  
脉散而痊

秋多濕熱傷肺宜清熱瀉濕加蒼朮桑白皮各

錢防風黃芩山梔

炒各五分

愚按前症若咳而身熱自汗口乾便赤脉虛而洪者用白虎湯身熱而煩氣高而短心下痞滿四肢困倦精神短少者香薷飲若病邪既去宜用補中益氣加乾山藥五味子以養元氣柴胡升麻各二分以升生氣

冬多風寒外感宜解表行痰加麻黃桂枝半夏

乾薑防風

各一錢

肺金素有熱者再加酒炒黃芩

知母

各五分

若發熱頭痛鼻塞聲重再加藁本川

芩前胡柴胡

各一錢

愚按果係前症若風寒外感形氣病氣俱實者宜用麻黃之類所謂從表而入自表而出若形氣病氣俱虛者宜補其元氣而佐以解表之藥若專於解表則肺氣益虛腠理益疎外邪乘虛易入而其病愈難治矣若病日久或誤服表散之劑以致元氣虛而邪氣實者急宜補脾土為主則肺金有所養而諸病自愈若人老弱或勞傷元氣而患前症誤用麻黃枳殼紫蘇之類而汗出亡陽者多患肺癰

肺痿治失其宜多致不起。○一男子神勞冬  
月患咳嗽服解散之劑自以爲便余曰此因  
肺氣虛弱腠理不密而外邪所感也當急補  
其母是治本也始服六君子湯肉去參朮反  
加紫蘇枳殼之類以致元氣益虛生肺癰而  
歿。○太守錢東圩先患有疽屬足三陰虛火  
不歸源用壯水之主以制陽光而愈余曰瘡  
疾雖愈當屏去侍女恐相火一動其精暗流  
金水復竭必致變症后果喘嗽痰出如湧面  
目赤色小便淋瀝又誤認爲外感風寒用麻

黃湯表散汗出不止逾余視之其脉已脫惟  
太冲未絕余曰此脾虛不能攝涎腎虛不能  
生水肺虛不能攝氣水泛爲痰虛寒之症也  
辭爲難治勉以益火之源以消陰翳而愈繼  
又勞傷神思外邪乘之仍汗出亡陽以致不  
起。

若有痰加半夏枳殼風痰再加南星

薑汁炒

濕痰

脾困少食加白朮蒼朮有痰而口燥烟乾勿用

半夏南星宜加知母

蜜水拌炒

貝母瓜蒌仁黃芩

愚按前症若因脾氣虛而爲濕痰者宜用補

中益氣湯若因腎經虛熱而口燥咽乾者宜  
用六味丸

膏  
若夏月熱痰或素熱有痰加黃芩黃連知母石

愚按前症若心火乘肺輕則用麥門冬湯重  
則用人參平肺散若上焦實熱用涼膈散虛  
熱用六君子湯中焦實熱用竹葉石膏湯虛  
熱用竹葉黃芪湯下焦虛熱用六味丸○一  
武職因飲食起居失宜咳嗽吐痰用化痰止  
嗽之藥時仲夏左尺洪數而無力胸滿面赤

唾痰腥臭自汗余曰腎虛水泛爲痰而反重  
亡津液得非肺癰乎不信仍服前藥翌日吐  
膿脉數右寸爲甚用桔梗湯一劑數脉與膿  
頓減又二劑將愈佐以六味丸而痊

上半日咳者胃中有火加貝母石膏黃連五更  
咳者同上

愚按前症若胃中熱甚爲患者宜用本方泄  
之若胃中微熱爲患者當用竹葉石膏湯清  
之若胃中虛熱所致者須用補中益氣湯補  
之俱少佐以治痰之劑具五更咳嗽者當作

脾虛宿食爲痰治之○一儒者咳嗽用二陳  
苓連枳殼胸滿氣喘侵晨吐痰加蘇子杏仁  
口出痰涎口乾作渴余曰清晨吐痰脾虛不  
能消化飲食也胸滿氣喘脾虛不能生肺金  
也涎沫自出脾虛不能收攝也口乾作渴脾  
虛不能生津液也用六君子加炮薑肉果溫  
補脾胃更用八味丸以補土母而安

若咳嗽久肺虛滋氣補血加人參黃芪阿膠當  
歸生薑天門冬款冬花馬兜鈴芍藥酒炒之類肺  
熱喘咳去人參用沙參此蕪補血氣也

愚按肺屬金生於脾土凡肺金受邪由脾土  
虛弱不能生肺乃所生受病治者審之  
黃昏咳者火浮於肺不可正用寒涼藥宜加五  
味子五倍子訶子皮斂而降之

愚按前症屬脾肺氣虛以致腎經陽虛陰弱  
而虛火上炎或房勞太過虧損直陰爲患法  
當補脾肺生腎水不可專主於肺也

若午後嗽者屬陰虛即勞嗽也宜補陰降火加  
川芎當歸芍藥熟地黃柏知母竹瀝薑汁天門  
冬瓜萎仁貝母此專補陰血也

愚按前症屬腎氣虧損火炎水涸或津液湧而爲痰者乃真臟爲患也須用六味地黃丸壯腎水滋化源爲主以補中益氣湯養脾土生肺腎爲佐設用清氣化痰則誤矣○司聽陳國華素陰虛患咳嗽自謂知醫用發表化痰之劑不應用清熱化痰等藥愈甚余以爲脾肺虛不信用牛黃清心丸反加胸腹作脹飲食少思遂朝用六君桔梗升麻麥門五味補脾土以生肺金夕用八味丸補命門火以生脾土諸症漸愈○中諭鮑羲伏患陰虛咳

嗽服清氣化痰丸及二陳苓連之類痰益甚用四物黃栢知母之類腹脹咽啞右關脉浮弦左尺脉洪大余朝用補中益氣湯加山茱麥門五味夕用六味地黃丸加五味子三月餘喜其慎疾得愈

若火鬱嗽爲痰鬱火邪在中宜開鬱消痰用訶子皮香附童便浸瓜蒌仁半夏麩海石青黛黃芩

爲末蜜調爲丸噲化仍服前補陰降火藥失治則成勞

愚按前症若因肺胃蘊熱痰氣不利宜用前

藥若因脾肺不清氣鬱痰滯用二陳加山梔  
枳殼桔梗若因鬱結傷脾氣血虛損用濟生  
歸脾加山梔桔梗若因怒動肝火脾土受剋  
用四君子加山梔柴胡若勞後失宜傷損元  
氣用補中益氣加山梔桔梗○一婦人不得  
於姑患咳胸膈不利飲食無味此脾肺俱傷  
痰鬱於中先用歸脾湯加山梔撫芎貝母桔  
梗諸症漸愈○一婦人咳嗽脇痛發熱且晡  
益甚用加味逍遙散加熟地治之而愈後因  
勞後多怒前症仍作又少陽寒熱往來或咳

嗽遺尿皆屬肝虛火旺陰挺痿痺用前散及  
地黃丸而痊

若痰積食積作咳嗽者用香附瓜蒌仁貝母海  
石青黛半夏麩軟石膏山查枳實黃連炒爲末  
蜜調噙化

愚按前症若因飲食停滯胃口濕熱所化者  
宜用本方若因脾胃氣虛而痰積滯用六君  
子加枳殼木香若因脾胃氣虛而食積滯用  
六君子加神麩麥芽夫早間吐痰咳嗽屬食  
積喘促咳嗽屬肺氣虛火旺大抵當助胃壯

氣爲主不可專攻其痰

若勞嗽見血加阿膠當歸芍藥天門冬知母貝母桑白皮亦於前肺虛陰虛二條擇用大抵咳嗽見血多是肺受熱邪氣得熱而變爲火火盛而陰血不寧從火上升故治宜瀉火滋陰忌用人參等甘溫之藥然亦有氣虛而咳血者則宜用人參黃芪欵冬花等藥但此等症不多耳

愚按前症亦有勞傷元氣內火妄動而傷肺者亦有勞傷腎水陰火上炎而傷肺者有因過服天門生地寒藥損傷脾胃不能生肺氣

而不愈者有因誤用黃柏知母之類損傷腸氣不能生陰精而不愈者凡此皆脾胃虧損而腎水不足以致虛火上炎真臟爲患也須用補中益氣湯補脾土而生肺金用六味地黃丸滋腎水而生陰精否則不救○一武職素不慎起居吐痰自汗咳嗽發熱服二陳苓連山梔之類前症不減飲食少思用四物二陳苓連之類前症愈甚反添胸膈不利食少捕熱加桑皮杏仁紫蘇之類胸膈膨脹小便短少用四苓枳殼之類小便不通飲食不進

余視之六脉洪數肺腎二部尤甚余曰脾土既不維肺金而心火乘之必變肺癰之症也不信仍服前藥後吐痰唾膿復求治余曰胸膈痞滿脾土敗也已而果歿

因咳而有痰者咳爲重主治在肺因痰而致咳者痰爲重主治在脾但是食積成痰痰氣上升以致咳嗽只治其痰消其積而咳自止不必用肺藥以治咳也

愚按前論治法最是仍分六淫七情及五臟用勝脾肺虛實以治之否則恐成肺癰之症

○一男子脾胃不和服香燥行氣之劑飲食少思兩脇脹悶服行氣破血之藥致飲食不入右脇肚痛喜手按之余曰乃肝木尅脾土而脾土不能生肺金也用滋化源之藥四劑諸症頓退余又曰火令在邇當再補脾上以養肺金不信後復作吐膿而歿

### 痰飲

痰屬濕熱乃津液所化因風寒濕熱之感或七情飲食所傷以致氣逆液濁變爲痰飲或吐咯上出或凝滯胃膈或留聚腸胃或客於經絡四

肢隨氣升降通身上下無處不到其爲病也爲喘爲咳爲惡心嘔吐爲痞隔壅塞關格異病爲泄爲眩暈爲糟雜怔忡驚悸爲癩狂爲寒熱爲痛腫或胸間輓輓有聲或背心一點常如冰冷或四肢麻痺不仁皆痰所致百病中多有兼痰者世所不知也痰有新久輕重之殊新而輕者形色清白氣味亦淡久而重者黃濁稠結咳之難出漸成惡味酸辣腥臊鹹苦甚至帶血而出治法痰生於脾胃宜實脾燥濕又隨氣而升宜順氣爲先分導次之又氣升屬火順氣在於降

火熱痰則清之濕痰則燥之風痰則散之鬱痰則開之頑痰則軟之食積則消之在上者吐之在中者下之又中氣虛者宜固中氣以運痰若攻之太重則胃氣虛而痰愈甚矣

主方二陳湯

橘紅

半夏

白茯苓

甘草

炙

生薑

右方總治一身之痰如要下行加引下藥上行加引上藥

若濕痰多軟如身體倦怠之類加蒼白木寒痰

痞塞胸中倍加半夏甚者加麻黃細辛烏頭之類

愚按痰者脾胃之津液或爲飲食所傷或因七情六淫所擾故氣壅痰聚諺云肥人多痰而在瘦人亦有之何也蓋脾統血行氣之經氣血俱盛何痰之有皆由過思與飲食所傷損其經絡脾血既虛胃氣獨盛脾爲已土胃爲戊土戊癸化火是以濕因氣化故多痰也遊行周身無所不至痰氣既盛客必勝主或奪於脾之大絡之氣則條然仆地者此痰厥

也升於肺者則喘急咳嗽迷於心則怔忡恍惚走於肝則眩暈不仁脇肋脹痛關於腎不哈而多痰唾留於胃脘則嘔瀉而作寒熱注於胃則咽膈不利眉稜骨痛入於腸則漉瀉有聲散則有聲聚則不利竊謂若脾氣虛弱不能消濕宜用補中益氣湯加茯苓半夏若因脾氣虛弱濕熱所致宜用東垣清燥湯若因胃氣虛弱寒痰凝滯者宜用人參理中湯若因脾胃虛寒而痰凝滯者宜用理中化痰丸若因脾虛而滯氣逆宜用六君子加木香茵陳脾胃虛弱而肝

木乘侮宜用六君子加柴胡頭痛宜用半夏  
白术天麻湯若因脾腎虛弱寒邪所乘以致  
頭痛宜用附子細辛湯

若風痰加南星枳殼白附子天麻僵蚕猪牙皂  
角之類氣虛者更加竹瀝氣實加荆瀝俱用薑  
汁

愚按脉訣云熱則生風故云風自火出若風  
邪氣滯痰蘊於胃中者宜用之若因肺經風  
熱而生痰者宜用金沸草散若因風火相搏  
肝經風熱熾盛而生痰者宜用牛黃抱龍丸

或牛黃清心丸若因肝經血燥而生痰者宜  
用六味地黄丸若因熱盛制金不能平水而  
生痰者宜用柴胡梔子散若因中氣虛弱不  
能運化而生痰者宜用六君柴胡鈎藤

若熱痰加黃芩黃連痰因火盛逆上降火爲先  
加白术黃芩軟石膏黃連之類眩運饒雜者火  
動其痰也亦加山梔黃芩黃連

愚按前方若肺胃實火者宜用之若風寒鬱  
熱宜用參蘇飲加山梔片芩若中氣虛熱宜  
用補中益氣加半夏桔梗若腎虛陰火炎上

宜用六味丸若腎氣虛寒痰上湧用八味丸  
若血虛有痰者加天門冬知母瓜蒌仁香附米  
竹瀝薑汁帶血者再加黃芩白芍藥桑白皮血  
滯不行中焦有飲者取竹瀝和生薑韭菜自然  
汁服三五盞必胃中煩躁不寧後自愈

愚按前方苦寒甘寒辛辣降火化痰行氣破  
血之劑須審有是病而乃服是藥可也病  
去六七即當止之過劑則反傷中氣而病益  
甚大凡內因之症原屬脾胃虛弱當審所致  
之由而調養之若稍重其劑復傷胃氣虛症

### 蜂起

若氣虛有痰者加人參白朮脾虛者宜補中氣  
以運痰降下加白朮白芍藥神麩麥芽兼用升  
麻提起內傷挾痰加人參黃芪白朮之類薑汁  
傳送或加竹瀝尤効

愚按前症若脾肺氣虛不能運化而有痰者  
宜用六君子加木香若肺氣虛弱不能清化  
而有痰者宜用六君子加桔梗若因脾經氣  
滯而痰中有血者宜用加味歸脾湯若因肝  
經血熱而痰中有血者宜用加味逍遙散若

因肝腎陰虛而痰中有血者宜用六味地黃丸若因過服寒涼之劑而唾痰有血者必用四君子湯之類以主之

若食積痰加神麩麥芽山查黃連炒枳實以消之甚者必用攻之宜丸藥若兼血虛者用補藥送下中焦有痰者食積也胃氣亦賴所養若攻之盡則虛矣

愚按前症若元氣素實偶因飲食過多而致者宜用主方消導宿滯蓋食痰多因脾虛食難消化而作痰也血虛者多因脾氣衰弱不

能生血也皆當調補脾胃之氣則無食積之患而血自生矣故東垣云脾胃之氣實則黃連枳實瀉之虛用白朮陳皮補之其方內用神麩麥芽說見上卷○府庠沈文姬母食濕麩吞酸嘔吐絕食服苓連等劑加寒熱口乾流涎又食冬瓜一星而嘔吐愈甚余謂此脾氣虛寒也急用鹽艾附子炒熱熨臍腹又以其子口氣接其母氣神氣少甦以參朮附子陳皮爲末丸如粟米大津嚥五七粒次日加至十餘粒漸服煎劑一二匙乃思粥飲又以

參朮等藥五十餘劑而愈

詳見內科續要

吞痰中有物咯不出雖不下此痰結也用藥化之加醃藥軟堅之類宜入薑仁杏仁海有桔梗連翹吞附少佐朴硝薑汁煉蜜和丸噙服之脉滿者卒難開必費調理氣實痰熱結者吐難得出或成塊吐咯不出氣滯者難治

愚按此方治形症克實之法也前症有因脾經轉結而傷陰血者有因腎水虧損而陰火上炎者有因脾肺火鬱而生痰者治法若因七情鬱結痰涎滯於喉間者不用局方四七

湯調和滯氣後用歸脾湯調補脾血脾火傷血用加味歸脾湯腎水虧損用六味地黃丸肺經鬱火用知母茯苓湯若婦人患此而兼帶下皆由鬱結傷損肝脾當佐以四七湯送青州白丸子此等症候屬脾胃氣虛為本而氣滯痰結為末也古方用十棗湯控涎丹神祐九滾痰丸異香枳實利膈滌痰透羅破飲降氣化痰等湯蘇合香丸之類皆形病充實之藥也西北人用之多有效驗其屬虛弱者皆致肚腹脹滿而歿○六參李北泉時吐痰

涎內熱作渴肢體倦怠而足熱余曰此腎水泛而爲痰法當補腎不信另用化痰湯滾痰丸吐瀉不食頭暈眼閉余用六君子湯數劑胃氣漸復用六味丸諸症漸愈○一儒者咳嗽痰盛胃腹不利飲食少思肢體倦怠脉浮大按之微弱服二陳枳殼等藥愈盛余曰脾肺腎虛也用補中益氣湯六味地黃丸而愈

若痰在腸胃間可下而愈枳實甘遂巴豆大黃芒硝之類痰在脾裡膜外非薑汁竹瀝不能及  
在四肢非竹瀝不開在經絡中亦用竹瀝必佐以薑韭汁膈間有痰或癩狂或健忘或風痰俱用竹瀝與荆瀝同功氣虛少食用竹瀝氣實能食用荆瀝痰在脇下非白芥子不能達

愚按前症多因飲食起居七情失宜耗損元氣內火動而爲患者當求其屬而治其本可也前法乃慄悍之劑非灼見形氣俱充實者決不可用必先察其病形脉症則知所挾之邪隨其表裡上下虛實以治之若夫挾寒挾虛之症不可不論也○一儒者脾氣虛弱嘔

吐痰涎因怒胃腹膨脹飲食少思左關脉弦長按之無力右關脉弦長按之微弱此木尅土也用六君子加柴胡山梔木香治之而愈○一婦人脾胃虛弱飲食素少忽痰壅氣喘頭搖目劄手揚足擲難以候脉視其面色黃中兼青此肝木乘脾胃也用六君子加柴胡升麻治之而甦更以補中益氣加半夏調理而痊

若老痰用海石半夏瓜蒌仁香附米連翹之類五倍子佐他藥大治頑痰宜作丸服

愚按前症若脾氣壅滯痰客中焦者宜先用此方以治其痰後用六君子以調補脾氣其痰自消若始末悉治其痰則脾氣益虛津液不行而痰益盛矣○一男子吐痰胃膈不利飲食少思服海石瓜蒌之類不應余曰此脾氣虛弱不能消導而爲痰當健脾爲主彼不信又服驅逐之劑其痰如湧四肢浮腫小腹腫脹小便澀滯余曰此復損脾腎所致也先用金匱加減腎氣丸補中益氣湯治之諸症漸減又用八味丸兼前湯而愈○一男子素

吐痰遇怒其痰益甚胃脘痞滿此肝木制脾  
土也用六君加木香治之而痊○一婦人素  
鬱結胃膈不寬吐痰如膠用加味歸脾湯乃  
痊○一婦人吐痰頭暈帶下青黃用四七湯  
送白丸子小柴胡加白朮茯苓治之而安  
人身上中下有塊是痰也問其平日好食何物  
吐下後方用藥

若頭面頸頰身中有結核不痛不紅不作膿者  
皆痰注也宜隨處用藥消之  
愚按前症若脾肺氣逆而痰滯於肉裏或散

或作肉色不變亦不作痛按之不硬此爲痰  
核宜推其因而治其本則痰自消若因鬱怒  
虧損肝脾或因暴怒觸動肝胆經火以致血  
病結核或筋攣於項側耳前後或胃脘腫痛  
或發寒熱此爲癰癧宜用柴胡清肝散加鈞  
藤鈎山梔以養血氣清肝火若肉色不變瞀  
熱內熱屬肝經血虛火旺宜用逍遙散加龍  
胆草以養肝血清肝火或結於肢節或累累  
如貫珠其色不變亦爲肝火血燥而筋攣宜  
用柴芍參苓散加鈞藤以養血氣佐以六味

九以生腎水○儒者楊澤之性燥好色缺盆  
結一核此疔火血燥筋攣法當滋腎水生肝  
血不信乃內服降火化痰外敷南星商陸轉  
天如碗余用補中益氣及六味地黃間以蘆  
薈九年餘元氣漸復而腫消○一婦人經事  
不調肝胆經全結核如榛如豆不計其數肉  
色不變大按方痛或投化痰消毒之藥不按  
自痛發熱作渴且補益甚余謂屬肝火之症  
用養血解鬱清肝之藥百餘劑諸症已退惟  
項核未消更以當歸龍薈九數服及四物柴

胡山梔而愈○一婦人耳前後結核耳內微  
腫寒熱口苦用小柴胡山梔桔梗川芎四劑  
而愈後因恚怒耳前後頭兩角俱痛發熱憎  
寒以小柴胡山梔川芎桔梗羌活二劑而愈

詳見外科  
樞要

滾痰丸攻瀉腸胃痰積及小兒食積痰急驚風  
痰甚者最爲要藥常宜合備但須量人虛實而  
用之

愚按滾痰丸奪旗斬關回生起死之劑必痰  
滯胸膈秘結不利形氣病氣俱實者乃可用

之或脾氣不能攝涎而上泛或腎氣不能攝水而上溢苟誤認為實痰而用之禍在反掌江南人尤慎之○一婦人元氣素弱痰氣時作或咽間不利或胸痞等症余以為鬱結傷脾用加味歸脾湯治之而愈後遇恚怒前症仍作惑於衆言以為痰飲妄用祛痰之劑吐瀉數次變諸異症口禁不醒余以為脾胃復傷日用六君子一劑米飲濃煎常服匙許至四日漸進粥食乃服前藥間以歸脾湯喜其善調養兩月餘諸症悉愈

擬治嶺南諸病

春秋時月人感山嵐瘴霧之氣發寒熱胸膈飽悶不思飲食此毒氣從鼻口入內也治當清上焦解內毒行氣降痰不宜發汗

主方

黃連炒

黃芩

木香

厚朴製

枳實炒

半夏洗

桔梗

柴胡

川芎

木通各一錢

坐甘草分七

升麻

蒼朮各一錢五分

泔浸木炒

右薑水煎食前熱服

愚按嶺南炎方瀕海地卑土薄故陽氣常泄陰氣常盛四時放花冬無霜雪一歲之間暑熱過半窮臘久晴或至搖扇人居其間氣多上壅膚多汗出腠理不密蓋陽不反本而然也陽燠既泄則使人本氣不堅陽不下降常浮而上氣浮而不堅則玄府開疎汗液易泄故內寒外熱上熱下寒之症由生也治當固陽氣實腠理為主若多用表散之藥則陽氣愈虛風邪益盛鮮有不悞者矣苟係外邪爲

患則當解散之外邪既解而病仍作肺氣傷也用補中益氣湯若頭目不清胃氣不能上升也加蔓荊子若飲食少思胃氣虛也用四君子湯若食而難化脾氣虛也用六君子加芍藥當歸若畏寒冷飲食或作吞酸脾氣虛寒也前藥更加炮薑不應再加吳茱萸四分黃連二分餘各當推而治之嶺南瘴癘爲患諸症詳見衛生篇凡宦遊此地者當備此書而常覽之

若寒溫失節汗身脫衣巾感冒風寒之氣氣閉

發熱頭疼此則傷寒類也但嶺南氣溫易出汗故多類瘧重則寒熱不退輕則為瘧南方氣升故嶺南人得此病者卒皆曾滿痰涎壅塞飲食不進與北方傷寒只傷表而裡自和者不同治當解表清熱降氣行痰此方用於寒涼時月及雖在溫暖時而感冒風寒者

羌活

蒼朮

浸

柴胡

黃芩

橘紅

浸

半夏

洗

枳實

甘草

炙

川芎

各一錢

右薑水煎食前服查隨服取汗出止服

愚按前症若內停飲食外感風寒用藿香正氣散若脾氣虛弱而寒熱作嘔用金不換散蓋嶺南之地濕熱蒸蒸腠理不閉津液妄泄陽氣內虛法當調補肺氣為主蓋肺主氣而司腠理肺氣虛則腠理不密故津液妄泄多患前症若外邪既去當補脾土以生肺金瘴瘧時瘧寒熱往來

柴胡

知母

各一錢五分炒

蒼朮

浸

黃芩

乾葛

陳皮

半夏

川芎

甘草

七分

右薑三片烏梅二箇水煎侵晨午前服

愚按前症若因外邪未解而寒熱往來者宜用原方解散之若因脾氣素弱或服前藥外邪既去而寒熱不止或欲嘔少食者脾氣虧損也宜用補中益氣湯加半夏乾葛茯苓調補之若午前寒熱屬氣虛用四君子加當歸升麻若午後寒熱屬血虛用八珍湯加柴胡升麻大凡病久氣虛而血弱者必發熱須用四君之類調補脾胃脾胃一健氣血自生若誤認為血虛而用四物沉陰之劑徑生其血

則脾土復傷諸臟皆病虛症蜂起反為難治甚致不救

瘧久者加人參一錢五分當歸一錢汗多者去蒼木換

白朮加白芍藥酒炒一錢五分

愚按瘧久不愈屬中氣虛不能滋養諸臟但調補脾胃諸病自退其汗自出者乃陽氣虛而不能衛固於腠理也用四君加歸芪陳皮未應加薑桂手足逆冷急加附子盜汗者陰虛而腠理不密也宜用八珍加肉桂五味子煩熱作渴暫用當歸六黃湯其中三黃俱炒

黑倍加參芪汗既止仍用八珍散之類若腎  
氣素虛發熱作渴宜六味丸手足逆冷或痰  
氣上攻宜用八味丸若邪氣既散而寒熱仍  
作此真氣虛也即用補中益氣湯若氣血虛  
而寒熱者用八珍湯若治失其宜則元氣虧  
損變症百出不但久瘧而已矣

瘧後變成痢疾宜從虛治故用補脾胃藥

黃連

炒

木香

宿砂

黃芩

炒

橘皮

白朮

當歸

酒洗各一錢

白芍藥

二錢

甘草

炙五分

右薑水煎食前服

愚按前症乃病氣有餘形氣不足而變症也  
宜用原方以清解脾胃邪熱若病氣形氣俱  
不足而不能愈宜補中益氣湯滋養諸臟自  
愈

若溫暑之月民病天行瘟疫熱病治宜清熱解  
毒之劑兼治內外愈後隨當調理脾胃以壯元  
氣

枯黃芩

升麻

乾葛

知母

酒炒各一錢

人參

石膏

此方用

白芍藥

各一錢半

黃連

酒炒四分

甘草

七分

羌活

錢二

生地黃

酒洗五分

右薑水煎食前熱服本益繼服

愚按前症若邪在足陽明表裡不解者宜用本方和解之若踈適過度胃氣虧損而發熱煩渴者用竹葉黃芪湯以生津液若悞汗亡陽而發熱煩渴者用升陽益胃湯若悞下亡陰而發熱煩躁者用理中湯

若胸膈痞悶痰涎壅塞者加枳實半夏各一錢

薑汁四五匙脾胃不實加白朮一錢

愚按前症若形病表裡俱實而痰邪痞悶者宜用本方若脾肺氣虛痰涎不得運化而痞悶者宜用六君子少加桔梗枳殼若脾胃虛弱不能攝涎歸源而痞悶者宜用六君炮薑若時氣發熱變為黃病所謂瘟黃也治宜內瀉濕熱

茵陳

黃連

薑水炒

山梔仁

白茯苓

厚朴

薑水炒

木通

白朮

人參

各一錢

木香七分

白芍藥

酒炒

乾葛

各一錢半

右薑水煎食前服查繼服

愚按前症若因濕熱壅滯所致者宜用此方  
若因病久元氣益虛而脾之正色見於外者  
宜用補中益氣加茵陳茯苓若中氣虛寒四  
肢厥冷或浮腫黑黃者用人參理中湯加茯  
苓茵陳觀東坡任黃州用聖散子正謂此意  
土人不知反用檳榔導損真氣踈泄腠理外  
邪易感病由是作若節飲食慎起居適寒暑  
固元氣以却外邪雖患是症亦爲輕淺嘉靖  
甲申春南都大疫煎聖散子普濟老幼並服  
來者接踵死者塞途良可哀憫殊不知此方  
因嶺南風土而作且浙之與廣相去萬里殊  
域異方天時人事大不相侔豈有槩一治療  
而無悞者哉

門人俞應竹

姪勉學

陳玄微

盧胤賢

沈子祿對正